



Ren, Petrič i Finci jučer u Ženevi

(Foto: AP)

Ženeva Međunarodna konferencija o Dejtonu BiH se treba opredijeliti za izmjene Ustava i krenuti ka EU

Zemlja sa tri predsjednika, 700 parlamentaraca, 100 ministara i 13 vlada nije održiva

U Ženevi je jučer počela dvo-dnevna Međunarodna konferencija „Deset godina nakon Dejtona“, u organizaciji Asocijacije „BiH 2005“, javile se agencije.

Konferencija je otvorena plenarnom sjednicom, a pozdravne riječi održali su predsjedavajući Savjetodavnog odbora Asocijacije Wolfgang Petrič (Wolfgang Petritsch) i član Savjetodavnog odbora Freni Miler Hemi (Vreni Müller-Hemmi).

Uvodne govorove, između ostalih, održali su komesar EU za proširenje Oli Ren (Olli Rehn), predsedavajući Vijeće ministara BiH Adnan Terzić i bivši visoki predstavnik međunarodne zajednice u BiH Karl Bilt (Carl Bildt).

Govreći na ovom skupu, Ter-



Petrič i Bilt: Nekadašnji visoki predstavnici

da je došlo vrijeme da BiH preuzeme odgovornost za vlastitu budućnost. Naveo je da BiH treba napraviti izbor i opredijeliti se za

Strani vojnici potrebni su BiH

Terzić je u pauzi konferencije novinarima izjavio kako su BiH potrebni strani vojnici, jer je u susednoj Srbiji na posljednjim izborima 1,3 miliona građana glasalo za program „velike Srbije“.

izić je kazao da Dejtonski sporazum nije bio kočnica za reforme i napredak BiH, nego da su odgovorni međunarodna zajednica i političari u BiH. On je ocijenio da je BiH, generalno gledano, postigla očigledan napredak zahvaljujući pomoći međunarodne zajednice.

Ren je ukazao na to da je institucija visokog predstavnika u BiH bila izuzetno korisna, ali

izmjene Ustava i krenuti ka EU.

- Ja sam za ustavnu evoluciju, a ne ustavnu revoluciju. Zemlja sa tri predsjednika, 700 parlamentaraca, 100 ministara i 13 vlada nije održiva - rekao je Ren.

Naveo je da je Dejtonski sporazum predviđao postojanje fleksibilnog mehanizma koji omogućava promjene i da to treba iskoristiti.

Ešdaun o manjem bh. entitetu

RS neće biti ukinuta zbog reformi u BiH

Visoki predstavnik u BiH Pedi Ešdaun (Paddy Ashdown) izjavio je jučer u Ženevi kako nema govor da Republika Srpska bude ukinuta u ime reformi u BiH.

- Vijeće za implemen-taciju mira u više navrata je reklo da je RS garantirana Dejtonskim sporazumom - rekao je Ešdaun u izjavi Srni.

On je dodao da RS ne može ukinuti visoki predstavnik, to može jedino narod RS i njen po-



Ešdaun: To je entitet, a ne država

ložaj je garantiran Ustavom.

- Ako ne računate reformu policije, devedeset posto budžeta RS troši za svoje potrebe za zdravstvo, penzije, investicije za posao i sve su to kompetencije RS - rekao je Ešdaun i ocijenio da je u mnogim stvarima RS samostalna onoliko koliko su i mnoge države, kako u teoriji, tako i u praksi.

Ešdaun je ocijenio kako se shvatilo da RS ipak nije država nego entitet, iako neki pogrešno vjeruju da jeste država.

Spec

• SARAJEVO - Izborna komisija BiH ovjerila je jučer Hrvatsku koaliciju za promjene koju čine HSS BiH, HDU BiH, HKDU BiH, Hr-

vatski demokršćani i HNZ, radi učešća na prijevremenim izborima za općinskog načelnika u Grudama, koja je jedina i podnijela zahtjev za ovjeru.

Danas velika odluka Evropske komisije

Havijer Solana i Oli Ren lobiraju za BiH

U Briselu niko ne sumnja u pozitivan odgovor Vijeće ministara EU • Može li se očekivati ublažavanje viznog režima • Velike obaveze pred bh. vlastima

(Od specijalnog izvještaka
„Dnevni avaza“ iz Brisele)

Kako je „Dnevni avaz“ i njava, Evropska komisija objavit će danas zahtjev Vijeću ministara Evropske unije za zeleno svjetlo o početku priprema za pregovore o stabilizaciji i pridruživanju sa Bosnom i Hercegovinom.

Najkraći rok

Uz uvjet da se usvoje zakoni (državni i dva entitetska) o Javnom RTV servisu, pregovori bi mogli početi najkasnije do polovine decembra. To je najkraći rok koji je EC postavila do sada i njime se iz Brisele u Sarajevo želi poslati podsticajni signal za dalje reforme.

Kako saznamjemo, komesar za proširenje Unije Oli Ren (Olli Rehn), te visoki predstavnik za zajedničku vanjsku i sigurnosnu politiku EU Havijer Solana (Javier Solana) lično su spremni nastaviti lobirati za BiH. Ali im za to trebaju podrška i rezultati iz BiH.

Jer, ako Sarajevo ne shvati i prihvati ovu poruku, pregovori o stabilizaciji i pridruživanju mogu biti suspendirani, pa čak i prekinuti.

Preduvjet za njihov uspešan završetak i davanje statusa kandidata BiH jesu reforma policije, puna saradnja s Tribunalom u Hagu i ispunjavanje niza kriterija

Solana:
Očekuje
rezultate



Brisel: Značajna odluka za BiH

ja iz Sporazuma o stabilizaciji i pridruživanju koji se tiču kako zaštite okoliša, standardizacije, takо i industrije, obrazovanja...

U Briselu niko ne sumnja da će Vijeće ministara EU dati pristanak na otpočinjanje pregovora. Isto tako, niko ne dovodi u pitanje odlučnost EU da BiH ispunji zacrtane preduvjeti i realizira zadatke iz Sporazuma. Ako se to desi, naprimjer, BiH već od decembra može vidjeti prve plodove u vidu popuštanja viznog režima.

Predan rad

Poruka iz Brisele je, kada je u pitanju upravo ovaj problem, jasna. Sto se prije neki političari u BiH „dozovu pameti“ i odlučno se uhvate posla, to će se prije ukinuti vizni režim. Dosađaće iskustvo pokazuje da su zemlje koje su dobile status kandidata za ulazak u EU dobile i bitno olakšan, odnosno ukinut vizni režim.

Martens i Sanader su protiv Čovića

U nekim briselskim institucijama pomno se prati i situacija u vrhu HDZ BiH.

Predsjednik Evropske narodne stranke (ENS) Vilfred Martens (Wilfred Martens) očekuje dolazak predsjednika najjače stranke Hrvata u BiH Dragana Čovića sa saradnicima 7. novembra kako bi se razgovaralo o tome što dalje, nakon što je

ENS potvrđio osnovanost opštubni Bože Ljubića da je Čović neregularno izabran.

Navodno, Martens nije sklon ostanku Čovića na čelu HDZ-a, a isti stav ima i predsjednik HDZ-a Hrvatske Ivo Sanader. On se, navodno, upravo zbog toga do sada nije susreo sa predsjednikom „sestrinske stranke“ u BiH Čovićem.

Pojašnjenje iz Delegacije Evropske komisije

Za liberalizaciju viznog režima potreban napredak u kontroli granica

Nužno pojačati i borbu protiv organiziranog kriminala, te sklapanje sporazuma o readmisiji

Za liberalizaciju viznog režima za građane BiH Evropska unija traži da se ostvari potreban napredak u kontroli granica, borbi protiv organiziranog kriminala i korupcije te sklapanje sporazuma o readmisiji.

To je jučer rečeno Feni iz Delegacije Evropske komisije u

HDZ neće opstruirati

U Briselu su zainteresirani i za stav HDZ-a u vezi s neuvojenim zakonima iz oblasti Javnog RTV servisa. Ovdje je s odobravanjem primljenajava da ta stranka ne namjerava potegnuti pitanje vitalnog nacionalnog interesa i u državnom Domu naroda blokirati donošenje ovih zakona.

HDZ, navodno, ne želi biti okrivljen za ometanje procesa evropskih integracija.

Theoretski, ako bi BiH završila pregovore o stabilizaciji i pridruživanju s EU u roku od šest mjeseci, evropskim funkcionerima bilo bi teško odbiti zahtjev za ukidanje viznog režima. No, preduvjet za to bit će, zasigurno, temeljiti i predan rad, te svakodnevne sjednice državnih i entitetskih institucija vlasti, što do sada nije bio slučaj.

Poruka iz Brisele je jasna - sa početkom procesa pregovora o stabilizaciji i pridruživanju, BiH će gotovo svakodnevno početi uvidati promjene nabavje. Ne samo kada je u pitanju vizni režim, nego i strane investicije. Uz evropske, bh. vlasti moraju biti fokusirane i na integraciju u NATO institucije, Partnerstvo za mir, prije svega. Ali, i za to postoje određeni vrlo jasni i striktni uvjeti.

Sead NUMANOVIĆ

sa obzirom na uspjehe u reformama u BiH.

Nakon tog susreta najavljen je da će do kraja godine u BiH doći tim eksperata koji će analizirati situaciju i tražiti potrebna rješenja kako bi se došlo do liberalizacije viznog režima za građane BiH.